

1667 թ. Հայ-ռուսական առեւտրական պայմանագիրը եւ Նոր Զուղայի իմբնավար մարմինները

ՇՈՒՇԱՆԻԿ ԽԱՉԻԿԵԱՆ

Հստ աւանդական տեսակէտի Ժկ. դարի կէսերից արդէն Նոր Զուղայում գոյութիւն է ունեցել հայկական առեւտրական կոմպանիա (ընկերութիւն) : Այդ կոմպանիայի լիազօր-ներկայացուցիչները 1667 թ.-ի Մայիսի 31-ին Մոսկովյում ստորագրել են առեւտրական նշանաւոր այն պայմանագիրը, որով բարենպաստ պայմաններ են ստեղծուել հայ-ռուսական տնտեսական կապերի գարգացման համար : Առու անուանի պատմաբան Ե. Զեւակինն, օրինակ, հայկական կոմպանիայի գոյութիւնը ոչ միայն անվիճելի է համարել, այլ նոյնիսկ յանգել է այն եղբակացութեան, որ կոմպանիան ստեղծել են Ստեփան Ռոմուղամսկին եւ Գրիգոր Լուսիկովը, այսինքն Նոր Զուղայի հայ վաճառականների կողմից Մոսկովա առաջուած բանադնացները¹ : Անուանի պատմաբան Աշոտ Յովհաննիսեանը, նոյնպէս, կոմպանիայի գոյութիւնն անառարկելի համարելով, մէկ այն կոչել է Նոր Զուղայի կամ Մպահանի «Հայ առեւտրական ընկերութիւն», մէկ՝ «Իրանահայ առեւտրական ընկերութիւն» եւ, նոյնիսկ ուղղակի «Հայ առեւտրական ընկերութիւն»², յստակ խօսք չասելով, թէ ում անունից է հան-

1. Ե. Ս. Զեւակին, Պարսկական Հարցը Ռուս-Եւրոպական Յարագերութիւնների Մէջ Ժկ. դ., «Խառըիչնիկի Զայփալի», 1940, թիւ 8, էջ 158 (ռուսերէն) :

2. Աշոտ Յովհաննիսեան, Դրուազներ Հայ Ազատագրական Մոքե Պատմութեան, Ա. Խու., Երեւան, 1957, էջ 441-442:

գէս եկել այդ ընկերութիւնը, ողջ հայ վաճառականութեա՞ն, թէ՝ նրա մի հատուածի³:

Համատարած այս աեսակէտի ստեղծման եւ կենսունակութեան համար որոշ տուեալներ կային Հենց 1667 թ. ի վերոյիշեալ պայմանագրի ուուսերէն բնագրի տարբեր հատուածներում, ինչպէս և այդ ժամանակ ու քիչ յետոյ շարադրուած տրիխիւային բազմաթիւ փաստաթղթերի մէջ: Նոր Զուղայից Մոսկուա ժամանած վերոյիշեալ բանադնացները բազմից յիշատակուած են որպէս «Հայկական կոմպանիայի կողմից առաքուած» անձինք. «արժեանսկիէ կոմպանէյշիկի» (իմա՝ «Հայկական կոմպանիայի անդամներ») են կոչուած նաեւ Մոլահանից Մոսկուա ժամանած բազմաթիւ վաճառականներ⁴:

Ժէ. գ. կէսերին, ինչպէս յայտնի է, արեւելեան բազմաթիւ երկրներում տնտեսական ամուռ յենակէտեր էին ստեղծել եւրոպական առեւտրական կապիտալի, միմեանց դէմ անհաշտ պայքար մզող, երեք հզօր կազմակերպութիւններ: Դրանցից առաջինը՝ Սնգլիական Արեւելա-Հնդկական կոմպանիան էր, որ կեանքի կոչուեց 1600 թ.ին եւ գոյատեւեց մինչեւ 1858 թ.: Երկու տարի անց՝ 1602 թ.ին, միմեանց դէմ մրցակցող մի քանի կոմպանիաների համաձուլումով, ստեղծուեց Հոլանտական կամ Նիդերլանդական կոմպանիան (որը

3. Հայկական կոմպանիայի գոյութեան մասին նման արտայայտութիւններ կարելի է գտնել Ժէ. դարի հայ-ռուսական յարաքերութիւնների պատմութեանը նուիրուած շատ աշխատութիւնների մէջ: Վ. Պարսամեանը, օրինակ, կոմպանիան համարել է «առեւտրական լայն հնարաւորութիւններ ունեցող կազմակերպութիւն» եւ Զաքար Սահրադեանին՝ այդ ընկերութեան աչքի ընկնող դեկավարներից մէկը, (տես՝ Վ. Պարսամեան, Հայ-Ռուսական Յարաքերութիւնների Պատմութիւնից, «Տեղեկագիր», 1952, թիւ 7, էջ 72): Վ. Դիլոյեանը յանգել է այն եզրակացութեան, որ չուղահայ վանականները «եւրոպական վանականների օրինակով» համախմբուել են առեւտրական մի ընկերութեան մէջ որ կըել է «Զուղայի հայ առեւտրական ընկերութիւն պիտակը»: Այդ ընկերութիւնը առեւտրական յարաքերութիւնների մէջ է եղել օտար պետութիւնների եւ առեւտրական ընկերութիւնների հետ, կնիքել է պայմանագրեր: «Այս տեսակէտից, — զրել է նա, — նշանաւոր էին 1667 թ. ուուս կառավարութեան եւ 1688 թ. անգլիական «Օստ-հնդկական ընկերութեան», հետ կնիքած պայմանագրերը եւ այլն (տես՝ Վ. Դիլոյեան, Լազարեանների Հասարակական-Քաղաքական Գործունէութեան Պատմութիւնից, Երեւան, 1966, էջ 21-22):

4. Տես՝ Հայ-Ռուսական Յարաքերութիւնները Ժէ. Դարում, Փաստաքերի Ժողովածու, Երեւան, 1953, էջ 56, 58, 111, 113, 203 (ռուսերէն): Հայ-Ռուսական Յարաքերութիւնները Ժէ. Դարում, Փաստաքերի Ժողովածու, Բ. հար., մասն Ա., Երեւան, 1964, էջ 15, 22, 29 եւ այլն (ռուսերէն),

դադարել է զոյսութիւն ունենալուց 1798թ.ին), իսկ 1664–1770թթ.ին մեծ գործունէութիւն է ծաւալել նաեւ Փրանսական Արեւելա-Հնդկական Կոմպանիան: Իրենց մայր երկրում ձեռք բերելով Արեւելքի հետ առեւտուր անելու մենաշնորհը, այդ կոմպանիաներն ստեղծեցին զինական ուժեր ու ռազմական նաևտորմ եւ, արինահեղ պատերազմներ մղելով զարդացման ցածր մակարդակի վրայ գտնուող հեռաւոր-արեւելեան ժողովուրդների դէմ, իրենց տիրապետութիւնը հաստատեցին Հնդկաստանի, Հնդկաչինի, ինտոնեզիայի, Ֆիլիպինեան կղզիների վրայ, դարեր շարունակ շահազործելով նուաճուած յողովուրդներին: Վերոյիշեալ կոմպանիաները լիազօրուած էին իրենց երկրների պետական մարմինների կողմից կառուցելու բերդեր, ամրութիւններ, պայմանագրեր կնքելու տեղական իշխանութիւնների հետ, պատերազմնելու՝ նոր երկրամասեր զրաւելու համար եւ այլն: Առեւտրական ամենազօր այս կոմպանիաները կեանքի էին կոչուել բազմաթիւ խոշոր վաճառականների, զրամատան տէրերի, կալուածատէրերի, պետական բարձրաստիճան պաշտօնեանների զրամագլուխով: Հողանատական կոմպանիան, օրինակ, հիմնադրուել էր 6.5 միլիոն Փլորին դրամագլուխով, որի կէսից աւելին պատկանում էր Ամսդերտամի վաճառականներին ու զրամատան տէրերին: Սրանք վճռական զեր էին կատարուած նաեւ կոմպանիայի զեկավար մարմիններում: Կոմպանիաների հասոյթները համամասնաբար, ըստ իրենց մուծած զրամագլխի եւ ձեռք բերած բաժնետոմսների, բաժանուած էր բոլոր բաժնետէրերի վրայ: Առիւծի բաժնին, բնականաբար, տէր էին դառնում խոչորագոյն բաժնետէրերը:

Միջին եւ Հեռաւոր արեւելեան երկրների դաշտութացման սկիզբը, ինչպէս յայտնի է, համընկնում է աշխարհագրական մեծ յայտնագործութիւնների հետ: Վերոյիշեալ կոմպանիաների եւ այդ երկրների հաղորդակցութեան հիմնական ճանալար հները ծովային ու սվկիանոսային այն ուղիներն էին, որ Եւրոպայից ձգտում էին դէպի հարաւ, ապա՝ Բարեյուասյ Հրուանդանի վրայով թեքուելով դէպի հիւսիս-արեւելք, մանում՝ Հնդկական Ովկիանոս: Սակայն հաղորդական ոչ պակաս նշանակութիւն ունէին ծովային ու ցամաքային այն ուղիները, որոնք Հնդկաստանը շաղկալում էին իրանի, Միջադեմքի, Եղիպատոսի, Փոքր Ասիայի հետ եւ տարեր ուղղութիւններով դուրս դալիս դալիս նախ Միջերկրական Ծովի նաւահանդիսանները (Աւելքսանդրիա, Ալեքսանդրէտ, Զմիւռնիա, Կոստանդնուպոլիս), այնու-

5. Ա. Ն. Զիստողվոնով, Նիդեռանդական Արեւելահնդկական կոմպանիայի Կնքահայրերը, «Խովայաց և Խովեցայաց Խառորիա», 1976, թիւ 6, էջ 134 (ռուսերեն):

Հետեւ նուեւ Սեւ Ծով (Տրապիզոն, Սինոպ) և Կասպից Ծով (Ռէշտ, Աստրախան) :

Անդլիական, հոլանտական եւ Փրանսական արեւելա-հնդկական վերոյիշեալ կոմպանիաները երկար տայքարելով այդ ճանապարհներով կատարուող առեւտրի մենաշնորհն իր ձեռքն առած վենափեան հանրապետութեան դէմ եւ դուրս մղելով նրան այդ վայրերից, խարիսխ նետեցին նաեւ Լեւանթեան առեւտրի հիմնական կերպոններում, իրենց ազդեցութիւնը տարածելով նաեւ այդ ճանապարհների վրայ : Բայ որոշ ուսումնասիրողների, ժիշտարի կէսերին առեւտրական այդ կոմպանիաների համար Լեւանթեան առեւտրուը, իր ծաւալով ու նշանակութեամբ, հաւասարագոր էր Հնդկաստանի հետ ովկիանոսային ճանապարհով կատարուող առեւտրին : Այդ հանդամանքը, առաջին հերթին, բացատրուում է մետաքսի հումքի միջազգային նշանակութեան շեշտակի այն աճով, որ տեղի ունեցաւ ժիշտարին՝ կէսերին՝ վճռապէս ազդելով նաեւ հայ խոչայական կապիտալի միջազգային կապերի ամրապնդման վրայ :

Մետաքսի արտադրութեան համաշխարհային նշանակութիւն ունեցող կեղրոնը իրանի հիւսիսային շրջաններն էին՝ Գիլանը (այս-տեղ արտադրուում էր իրանի մետաքսի զրեթէ կէսը), Մազանդարանը, Խորասանը եւ Անդրկովկասը (յատկապէս Շիրվանը, Վրաստանի արեւելեան շրջանները եւ Ղարաբաղը): Ադամ Օլեարիուսի հազորդած տուեալներով, «Հենց միայն Գիլանը յաջողակ տարիներին տուլիս է ութիւն հազար հակ [մետաքս], Շիրվանը մատակարարում է երեք հազար հակ, Խորասանը՝ մինչեւ երեք հազար, Մազանդարանը՝ երկու հազար, Ղարաբաղը՝ երկու հազար: Միայն շուրջ մէկ հազար հակն օդապործւում երկրի [իրանի] ներսում»⁷:

6. Masson, *Histoire du Commerce Français Dans le Levant au XVII siècle.* I-II, Paris, 1911.

7. Ադամ Օլեարիուս, Հանգամանալից Նկարագրութիւն Հուշտինեան Պատգամաւրութեան՝ Առաքուած Մոսկովիա եւ Պարսկաստան 1633, 1636 և 1639 թթ., Մուկուա, 1870, էջ 791 (ռուսերէն քարզմ.): Ն. Գ. Կուկանովա, ժիշտ-ժողովական կէսի Խուս-Իրանական Առեւտրական Յարաբերութիւնների Պատմութեան Աւրուագծեր, Մարամսկ, 1977, էջ 69 (ռուսերէն): Նշենք նաեւ, որ արտադրուող մետաքսի չափի մասին կան նաև այլ, իրար հակասող տուեալներ: Բայ Շարդենի, ժիշտարի կէսերին իրանից ամէն տարի արտահանուել է 22.000 հակ մետաքս (տես՝ Հ. Ալիշան, Միասկան, 444), իսկ ըստ Գրիգոր Լուսիկինցի «տարէն մօս Է՛՛ (8000) խակ Շային բուլի երկրում (այսինքն՝ ողջ իրանում) ապրիչում դուս գլու, որի մին խակն Զ (6) փուտ այ» (Հայ-Խուսական Յարաբերութիւնները ժիշտարում, էջ 71): Նոյնամման տեղեկութիւն կայ նաեւ փաստարդերի նոյն ժո-

Այսպիսով, արտադրուող հումքի 90 տոկոսից աւելին նախատեսում էր երոպական երկրների պահանջարկը բաւարարելու համար, իսկ այն տարեցտարի հոկայական չափով աւելանում էր, քանի որ մետաքսէ դործուածքների գործածութիւնը լայն տարածում էր զանում ամենուրեք: Այն օգտագործում էին ոչ միայն աղնուական դասին պատկանող մեծահարուստ անձինք, այլև բուռն զարգացման ընթացքի մէջ մտած քաղաքների ընակչութեան բարեկեցիկ խաւը: Անդլայի, Հոլանտայի, հետագայում նաեւ ֆրանսայի արագ զարդացող մետաքսադաշտական ձեռնարկութիւնների անլնդհատ աճող պահանջարկը բաւարարում էր յաճախակի փոփոխուող նորաձեւութեան ընդառաջող եւ համեմատաբար էժան զնահատուող մետաքսէ տարրեր տեսակի ու արժէքի դործուածքների արտադրութեամբ⁸:

Բնականարար, արդիւնարեկողները մտահոգուած էին մետաքսի հումքի արտահանութեան վայրերի հետ անմիջական կապեր հաստատելու, այն աւելի էժան զներով ձեռք բերելու եւ ապահով ու կարծ ճանապարհներով իրենց երկրները փոխադրելու հարցերով:

Կար երեք ճանապարհ: Առաջինը եւ հնագոյնը թուրքիայի վրայով անցնող աւանդական ճանապարհն էր, որն իր երկու ճիւղերով ձգւում էր դէպի Միջերկրական ծովի արեւելեան ափերը, անցնելով նաեւ Պատմական Հայաստանի նահանգներով: Այս ճանապարհով առեւտուր էին անում գերազանցապէս հայ վաճառականները, թուրքական պետական գանձարանին վճարելով դրեթէ այնքան մաքս, որքան վճարում էին մետաքսը զնելիս: Երկրորդը՝ Գիլանից Կասպից ծովով դէպի Աստրախան, այնուհետեւ Ռուսաստանի վրայով եւ Սպիտակ ծովով դէպի երոպական երկրներ տանող ճանապարհն էր: Այստեղ եւս հայերն առաջին տեղն էին զրաւում⁹: Երրորդ ճանապարհը ցամաքային ուղիներով ձգւում էր դէպի Պարսից Ծողի նաւահանգիստներն ու այնուհետեւ ուղիանոսային ուղիներով դէպի երոպա:

Կովածուի մի այլ գրութեան մէջ (նոյն տեղում, էջ 46): Եթէ Շարդենի տուեալը չափազացուած համարենք, իսկ Տուսկիովի տուեալը՝ նուազեցուած, կը զանի այն համոզման, որ իրականութեանն աւելի մօտ է Ադամ Օլեարիուսը:

8. Ռ. Դ. Ռուլովա, Խառնայի Տնտեսական Զարգացման Հիմնական Գծերը ԺԶ-ԺԷ. ՊՊ. (տպագրուած «Երոպայի, Ասիայի եւ Ամերիկայի Արդիւնարերութեան եւ Գիւղատնտեսութեան Մէջ Կապիտալիզմի Ծագումը» խորագրով ոռուերէն ժողովածուի մէջ, էջ 85-86, 92-93 եւ այլն):

9. Ե. Ս. Զեւակինն վերը յիշատակուած իր ուսումնասիրութեան մէջ քաղուածք է ամուս ուսւ մի վաճառականի գրուածքից, ուր ասուած է, որ «Անգլիացիները եւ հոլանտացիները քուրքական տարածութիւններով ուղեւուում են Ղուբաշի երկիր... Ղուբաշում նրանի ձեռք են քերում հում մետաքս մէկ փութին

Կասովից Ծովով գէպի Բուռսաստան տանող ճանապարհը շատ առ և կամ ապահով էր, ձեմուու եւ կարճատեւ, քան այս երրորդ եւ նորադոյն ճանապարհը։ Զնայած դրան, հայ վաճառականները ոչ շատ յաջող փորձեր էին կատարում այս ճանապարհով կատարուղ առեւտրի մէջ եւս իրենց մասնակցութիւնը բերելու¹⁰։

Անհրաժեշտութիւն չկայ յատուկ շեշտելու այն հանդամանքը, որ ե՛ւ մետաքս վաճառող կողմը՝ Պարսից շահն ու արքունիքի հետ սերտ կապերի մէջ եղող հայ վաճառականները, ե՛ւ երրոպական երկրների մետաքսէ գործուածքներ արտահանողները ձգտելու էին առաւել չափով օգտուելու ամենից աւելի ապահով եւ, մանաւանդ, քիչ ծախսեր պահանջող ճանապարհց։ Բոլոր ուսումնասիրողները նշում են, որ այդպիսին էր կասպից Ծովով եւ Բուռսաստանով անցնող ճանապարհը։

Սպիտակ Ծովով Բուռսաստան ներթափանցելու եւ Վոլկ-Կասպեան ճանապարհով Իրանի ու արեւելեան այլ երկրների հետ անմիջական կապ հաստատելու գծով առաջին քայլերը կատարել էին անդիմացիները, դեռեւս ԺԶ. դարի կէսերից։ Անթոնի Ջենկինսոնն էր, որ որպէս Արեւելա-Հնդկական կոմպանիայի ներկայացուցիչ, ուստական ցարից ստացաւ այդ ճանապարհով առեւտուր անելու որոշ առանձնաշնորհումներ։ Նրան հետեւեցին կոմպանիայի ուրիշ անդամներ եւս¹¹։ Սակայն, ուստական իշխանութիւնները, գիտակցելով այն մէծ վտանգը, որ սպառնալու էր ուստական ներքին շուկային եւ արտաքին առեւտրական կապերին օտարերկրեայ, մասնաւորապէս, անդիմական գրամագլուխի ներթափանցման հետեւանքով, վերացնում են այդ արտօնութիւնները։ Զրկուելով դրանցից, անդիմական Արեւելա-Հնդկական կոմպանիայի ներկայացուցիչները շարունակում են առեւտուր անել հիւսիսային ծայրամասում՝ Արխանդելսկում, բայց Իրանի հետ անմիջական կապ հաստատելու այդ հնարաւորութիւնից

վիճակը 15 կամ 16 ուրիշ… երբ նրանք փոխադրում են այն Թուրքիայի վրայով, նրանցից զանձում են զնուած ապրանքի արժեքին հաւասար մաքս» (Ե. Ս. Զեւալիմ, նշ. աշխ., էջ 131)։

10. Վ. Ա. Բայրութիանը իր Նոր Զուղայի Հայկական Գաղութը ԺԷ. Դ. ռուսերէն աշխատուրեան էջերում (Երեւան, 1969, էջ 31–33) տուեալմեր է մէջ բերել այն մասին, որ 1580 թ. յետոյ, երբ Խալանիան եւ Փոքրուկալիան միասնական պետութիւն կազմեցին, հայերը մետաքսի բեռներ էին փոխադրում ովկիանոսով, հասցելով այն Խալանիայի կաղիք Խալանագիստը, չնայած ստիպուած էին Հորմուզում վճարել փորբուկալացիներից զանձուող մաքսի կրկնապատիկը։

11. Յովի. Յակոբեան, Աւղեղութիւններ, Ա. Խոր., ԺԳ–ԺԶ. դար (1253–1582), Երեւան, 1932, էջ 344–459։

եւս զրկուելով, ասսպարէղն ամբողջովին բացւում է հայ խոչայտական կապիտալի համար¹²:

Հոլանտան 1580 թ.ին ազատագրուելով իսպանական լծից, ըստոն զարգացման ուղին էր բանել եւ ԺԶ. դարի սկզբներին զարձել օրինակելի զրամատիրական երկիր, ուրի կէսերին հասնելով արդէն առեւտրական իր հոգութեան բարձրագոյն լէտէն¹³: Անդիտացիների հետ միասին պայքարելով իտալացի եւ իսպանացի մրցակիցների դէմ, հոլանտացիները ընդլայնեցին իրենց առեւտուրը Լեւանթեան երկրուների հետ: 1624 թ. Ամսդերտամում ստեղծուեց յառուկ հիմնարկութիւն, որի պարտականութիւնն էր հոկել Միջերկրական Ծովում կատարուող միջազգային կապերի վրայ: Տարեկան 30-ի չափ առեւտրական նաւեր Ամսդերտամից այցելում էին Զմիւռնիա եւ Լեւանթեան այլ կեղրոններ: Մեծ չափերի էին հասել նաև հոլանտացիների կապերը Հալէպի հետ¹⁴: Այստեղ հոլանտացիները (ինչպէս եւ եւրոպական միւս երկների ներկայացուցիչները) առեւտուր էին անում առաջին հերթին ջուղայեցի հայ վաճառականների հետ, որոնց ձեռքում էր կեղրոնացած իրանի մետաքսի ներմուծումը Հալէպ: Ժէ: Դարի սկզբներին Հալէպի տնտեսական կեանքի հրամանատարական բարձունքներին էր հասել զլիսաւոր մաքսապետի պաշտօնը զրաւած նշանաւոր Խոջա Պետիկը՝ էին Զուղայից Հալէպ ներգաղթած Կիրակոս վաճառականի որդին, իր Սանոս եղրօր հետ միասին: 1615 թ.ի մի համաձայնադրի մէջ Խոջա Պետիկը յիշատակուած է որպէս նորին վեհափառութիւն Հոլանտայի թագուհու հաւատարիմ ներկայացուցիչը (էմինը) Հալէպի մէջ¹⁵: Հոլանտական Արեւելա-Հնդկական կոմպանիայի ներկայացուցիչները, 1623 թուականից սկսեցին ներթա-

12. Ե. Ս. Զեւակին, Նշ. աշխ., էջ 132-134:

ՃԸ. դարում անգլիացիները մէկ անգամ եւս փորձեցին օգտագործել այդ ուղիմ, այս անգամ Սպիտակ Ծովի փոխարէն Ռուսաստան ժամանելով Բալթիկ Ծովի եւ Ս. Պետերբուրգի վրայով: 1734 թ. կնքուած ոռւս-անգլիական դաշնակրութեան համաձայն անգլիացիները կասպից Ծովով առեւտուր անելու իրաւութ էին ստացել: Սալյան շատ շուտով պարզուեց, որ այդ վեստ էր բերում ոչ միայն Ռուսաստանի տնտեսական, այլև բաղադրական շահերին եւ, 1746 թ.ին անգլիացիների ձեռք բերած իրաւունքները չեղեալ յայտաբարուեցին: Տես՝ Իսուրիչնեկի Զապիսկի, 1950, թիւ 33, էջ 109:

13. Կ. Մարքս, Կապիտալ, Ա. Խոր., Երեւան, 1954, էջ 784:

14. Աղոփ Բեռ, Համաշխարհային Առեւտրի Պատմութիւն, բաժին Երկրորդ, Մոսկով, 1876, էջ 175-176 (ռուսերէն):

15. Ա. Սիրմէեան, Պատմութիւն Հալէպի Հայոց, Գ. Խոր., Փարիզ, 1950, էջ 288-289:

փանցել իրան և դարի կէսերին դարձան իրանական շուկայում տու-
ջին տեղը դրաւող երրորդացիները : Այդ յաջողութիւնները զգալի չա-
փով պայմանաւորուած էին անտեսական այն սերտ կապերով , որ
ստեղծուել էին Հոլանդական կոմպանիայի և հայ խոջայական կա-
պիտալի ներկայացուցիչների միջնեւ : Ամսդերտամը ծանօթ էր հայե-
րին ԺԶ . դարի 60-ական թուականներից : 1660-61 թթ . այս քաղաքն
այցելեցին մի քանի գոհարավաճառ հայեր , որոնց նպատակն էր վաս-
տակած գումարներով ձեռք բերել Հոլանդական ազրանքներ , արեւել-
եան երկրներ տանելու համար : Այդ կազերը յատկապէս 1634 թ . ից
յետոյ շատ աւելի մեծ ծաւալ ընդունեցին¹⁶ և ժիշ . դարի կէսերին ար-
դէն Հոլանդա էին այցելում մեծ թուով վաճառականներ , ինչոքէս
Նոր Ջուղայից , այնպէս էլ Գողթան գաւառի հայկական տռեւտրական
զիւղագաղաքներից (յատկապէս Ազուլիսից) և այլ վայրերից : 1660
թ . Ամսդերտամում զոյտութիւն ունէր կազմակերպուած դաշտօջախ՝
հայկական եկեղեցով , 60 տուն բնակչութեամբ : Դրանց շարքում զե-
կավար դիրք էր զրաւել նոր ջուղայեցի մեծահարուստ վաճառական
Առաքելը , որն ամէն տարի Գիլանից Ամսդերտամ էր ներմուծում
հինգ միլիոն ոռուրու արժողութեամբ մետաքս և այդ գումարով
զնում էր Հոլանդական ազրանքներ , իրանի շուկաններում վաճառելու
համար¹⁷ : Ամսդերտամը միտֆամանակ դարձաւ հայ տպագրութեան
կեզրոններից մէկը : Ուկան Երեւանցու , Ղուկաս Վանանդեցու և ու-
րիշ երախտաւորների ջանքերով ժիշ . դարի երկրորդ յիսնամեկի ըն-
թացքում այստեղ հրատարակուեցին հայերէն փառայեղ գրքեր՝ ա-
ռաջին տպագիր Աստուածաշունչը , պատմագրական մի շարք ար-
ժէքաւոր բնադրեր , ինչպէս նաեւ հայ վաճառականների համար պի-
տանի տռեւտրական ձեռնարկներ , աշխարհագրական ու գիտական
երկեր¹⁸ :

Հետեւելով անդիւցիների օրինակին , Հոլանդացիները նոյն-
ուէս եռանդուն փորձեր կատարեցին մետաքսի հումքը Ռուսաստանի

16. Բայր Ն. Գ. Կուկանովայի այդ քացարւում է այն իրողութեամբ , որ հենց
այդ քուականին էր , որ Հոլշտինեան կոմպանիան իրաժարուեց Ռուսաստանի վրա-
յով պարսկական մետաքսը Եւրոպա փոխադրելու այն պայմաններից , որ առաջար-
կում էին ռուսական պիտական մարմինները (տես՝ Ն. Գ. Կուկանովա , նշ . աշխ .,
էջ 71) :

17. Fr. Macler, *Quatre Conférences sur l'Arménie et les Ar-
méniens Faites en Holland*, Paris, 1932, pp. 247-251.

18. Գարեգին Լեւոնեան , Հայ Գիրքը և Տպագրութեան Արուեստը , Երեւան ,
1940 , էջ 101-125 :

վրայով Հոլանտա արտահանելու ուղղութեամբ։ 1615, 1620 և 1630 թթ.ին այդ նպատակով կատարուած փորձերը դրական արդիւնք չտուցին։ Ռուսական իշխանութիւնները, երկիւզելով Արեւելա-Հնդկական հզօր ընկերութեան Ռուսաստանում յենակէտեր ունենալու անցանկալի հետեւանքներից, մերժեցին ընկերութեանը տարանցումի իրաւունք չնորհել։ Տարանցումի իրաւունքը, որի ստացման համար մեծ ջանքեր էին գործադրում եւ անզլիացինները, եւ Հոլանտացինները եւ եւրոպական մի շարք այլ երկրների կառավարող չըջան-ներ ու առեւտրական կոմպանիաներ¹⁹, ի վերջո, 1667 և 1678 թթ.

19. Այս հարցին անդրադարձել է Ե. Ս. Զեւակինը, մասնաւորապէս ուշադրութիւն դարձնելով այն համբամանեների վրայ, որ քացի Վոլկ-Կասպիան նաևապարհից, եւրոպայի եւ իրանի միջեւ ապրանքափոխանակութիւնը կատարում էր նաև Վարչաւա-Լիւրլին-Եաշ-Եւր Շովլ-Անդրկովկաս-Իրան երրուդիով, որը քանուկ էր դարձել յատկապէս նշուած վայրերի բոլոր տնտեսական կեդրանեներում կարեւորագոյն դեր կատարող հայ վաճառականների շնորհիւ։ Խօսելով այդ մասին եւ անդրադառնալով լեհական դիւտանագէտ հայազգի Բոգդան Ղրդիի գործութեամբ։ Ե. Զեւակինը յիշառակում է այն փաստը, որ այս Բոգդանը, հանդիպելով նոր ջուդայեցիների լիազօր Անդրկայացուցիչ Գրիգոր Լուսիկովի հետ, նաև է նրան, որ հայ-ուստական պայմանագրով շահագրգուուած են նաև լեհերը։ Քննարկելով այս հարցերը Ե. Ս. Զեւակինը եզրակացնում է, որ «ոչ միայն պարսկահայերն էին ուղեւորում Լեհաստան, այլև Լեհաստանից Պարսկաստան էին մեկնում վաճառականներ (հաւանաբար նոյնպէս) մեծ մասամբ ծագումով հայ» (տես՝ Ե. Ս. Զեւա-կին, Աշ. աշխ., էջ 141–146)։ Այստեղ ամէն ինչ հիմնաւորուած է քացի փակագծերի մէջ ասուած «հաւանաբար նոյնպէս» բառերից։ Հայ-ուկրաինական դարաւոր առնելութիւններն ուսումնասիրող մասնագետները հսկայական աշխատանք են կատարել վերջին երկու տասնամետակի ընթացքում եւ արժեքաւոր փաստեր են դրել շրջանառութեան մէջ, որեւէ կասկած չըողնելով, որ լեհաստանից իրան այցելող վաճառականներն, իրօք, եղել են լեհահայեր։

Ռուսաստանի վրայով իրանի հետ տնտեսական կապեր հաստատելու փորձեր կատարուել են նաև Շուէտիայի կողմից։ Շուէտիան դեսպան Ֆարբիցիուսի ջան-ներն այս ուղղութեամբ 1686 թ.ին յանցում են այն արդիւնքին, որ ռուսական իշխանութիւնները իրաւում են տալիս հայերին արեւմտեան եւրոպական երկրներ մեկնել ոչ միայն Արխանգելսկով, այլ նաև Նովգորոդով, անցնելով Շուէտիայի տիրապետութեան տակ գտնուող շրջաններով։ Տեղին է նշել, որ Նապուր Սամոկուտի անունով մի հայ վաճառական՝ 1670 թ.ին Բրանդերբուրգի կիւրֆուրտի նամակով ժամանել է Մոսկովա։ Նամակում ասուած է եղել, որ այդ նազուբը Կիւրֆուրտստի առեւտրական գործակալն է եւ նպատակ ունի իրանից Պրուսիա արտահանել մետախս եւ այլ ապրանքներ (տես՝ Ե. Ս. Զեւակին, Աշ. աշխ., էջ 153–154)։

Հարցի ուսումնասիրութեան այսօրուայ մակարդակը բոյլ է տալիս եզրա-

պայմանագրերի նախատեսումներով, ռուսական պետական մարմինները չնորդեցին Նոր Զուլայի հայ վաճառականներին։ Հոլանտացիներին թուլատրուեց միայն Արխանդելուկում առեւտուր անել արեւելքից ժամանող վաճառականների, այսինքն՝ հայերի հետ, իսկ հայ վաճառականներին էլ խորհուրդ տրուեց Արխանդելսկից եւրոպական երկրներ մեկնելիս առաջնութիւնը տալ Հոլանտացին²⁰։

Ռուսաստանի տնտեսական զարգացումը խթանող ծրագրեր մշակող նշանաւոր քաղաքական դործիչ ու հայրենասէր Բ. Ի. Օրդին-Նաչչոկինը, որի դլխաւորութեամբ էին նախապատրաստում հայուսական առեւտրական պայմանագրի կէտերը, իր գործընկերների հետ միասին քաջ դիտակցում էր, որ հայ վաճառականները, ի տարրերութիւն արեւելեան երկրների հետ առեւտրի մենաշնորհ ձեռք բերած եւրոպական առեւտրական կոմպանիաների, չէզոք քաղաքական ոյժ լինելով, որեւէ կերպ չեն կարող խոչընդոտել Ռուսաստանի տրնտեսական զարգացմանը եւ Ռուսաստանի վրայով գէպի արեւելեան երկրներ անցնելու իրաւունքն օդտագործել քաղաքական-զաղութատիրական ինչ-որ ծրագրերի իրականացման նպատակով։ Ընդհակառակը, լինելով ճնշուած ու հարստահարուած քրիստոնեայ մի ժողովրդի ներկայացուցիչներ, հայերն իրենք են օդնութեան կարու եւ կարող են ռուսական պետութեան համար հաւատարիմ դաշնակից լինել։

Այսպիսով, հայ առեւտրական կապիտալի ներկայացուցիչները յաղթանակով գուրս եկան չուրջ մէկ դար ձգուող (ՃԶ. զարի վերջերից մինչեւ 1667 թուականները) այն պայքարում, որ մզում էին Ռուսաստանի վրայով անցնող եւ միջազգային նշանակութիւն ունե-

կացնելու, որ Ռուսաստանի վրայով իրանի եւ արեւելեան այլ երկրների հետ տընտեսական կազմեր հաստատելու բոլոր փորձերը, անկախ այն բանից, թէ եւրոպական որ երկրի նախաձեռնութեամբ էին ներկայացւում ռուսական պետրական մարմիններին, մեծամասնութեամբ հայ վաճառականների թէլադրանելով էին արւու։ Իրանի մետաքսի արտահանեան մենաշնորհը նրանց ձեռքում էր կեդրոնացուած և նրանք էին առաջին երերին շահագրգուած նոր, այսակով, ուստի եւ շահաւետ ուղինելու գործում։ Զուլայայ առեւտրական կապիտալի գործակալ Ֆիլիպ դի Զալլիի գործունեութիւնը Մերձաւրիկայում 1696 թ. եւ Լիվոնիայի, Կուռլանդիայի ու Սելցիկի դուքս նոր կազիմիրի հետ կնքուած պայմանագիրն այդ մասին են վկայում (տես՝ R. Gulbenkian, **Philippe et Zagly, Marchand Arménien de Julfa et l'Etablissement du Commerce Persan en Courlande en 1696**, «Revue des Etudes Arméniques», tome VII Paris, 1970, pp. 361-426)։

20. Ե. Ա. Զեւալիին, նշ. աշխ., էջ 136։

յող ճանապարհներն օգտագործել ցանկացող ուժերը՝ անդլիական և հոլանտական արեւելա-հնդկական կոմպանիաներն ու եւրոպական այլ երկրների առեւտրական շրջանակները:

1667թ.ի հայ-ռուսական առեւտրական պայմանագիրը ձեւակերպելիս, քննարկման առարկայ էր զառնալու այնպիսի կարեւոր հարց թէ ով է կանգնած ռուսական պետութեան առջեւ, որպէս պայմանագիրը կնքող կողմերից երկրորդը: Հասկանալի է, որ այդ ոյժը Նոր Զուղայի կոմ Սպահանի հայ վաճառականներն էին, որոնց լիազօրութեամբ էին բանակցութիւններ վարում Ստեփան Ռոմողամսկին եւ Գրիգոր Լուսիկովը: Բայց ինչպէս կարող էին օտար մի երկրի (տուեալ գէպքում՝ Իրանի) մայրաքաղաքում բնակութիւն հաստատած ինչոր առեւտրականներ հանդէս դաւ որպէս հզօր մի պետութեան հետ տնտեսական կարեւոր նշանակութիւն ունեցող երկարամեայ մի պայմանագրի ստորագրող կողմ: Ինչպէս արդէն նշուել է, Եւրոպական Երկրներում ստեղծուած առեւտրական նշանաւոր ընկերութիւնները օտար երկրների տիրակալների հետ տնտեսական, ռազմական, նոյնիսկ քաղաքական պայմանագրեր կնքելու իրաւունք ունէին, որից եւ լայնօրէն օգտառում էին: Բայց այդմ, ռուսական կողմի համար Նոր Զուղայի հայկական համայնքի ներկայացուցիչները նոյնպէս, հանդէս էին գալիս որպէս առեւտրական մի կոմպանիայի լիազօր ներկայացուցիչներ, ուստի եւ պայմանագրի նախատեսումները կատարող կողմերից մէկը՝ հայկական կողմը, կոչւում էր նրանց կողմից «Հայկական կոմպանիա», «Զուղահայ կոմպանիա», եւ այլն: Պարզելու համար, թէ պայմանագրը ստորագրող հայ լիազօրների թիկունքում, եւրոպական կոմպանիաների օրինակով ստեղծուած, առեւտրական մի կազմակերպութիւն էր կանգնած, թէ՝ Նոր Զուղայի հայկական համայնքը՝ ինքնավար իր մարմիններով, պէտք է ձեռնարկել խոջայական կապիտալի կազմակերպչական ձեւերի ուսումնասիրման կարեւոր գործին:

1667թ.ի պայմանագրի հետ առնըչուող եւ Մոսկուայի շին Փաստաթղթերի Կեղրոնական Պետական Արխիւում պահուող նիւթերի մէջ չի պահպանուած (կամ էլ գեռեւս չի յայտնաբերուած ու հրապարակուած) որեւէ փաստաթուղթ այն մասին, թէ՝ ո՞ւմ լիազօրութեամբ էին Մոսկուա ժամանել Նոր Զուղայի հայ վաճառականների ներկայացուցիչները՝ Ստեփան Ռոմողամսկին եւ Գրիգոր Լուսիկովը: Այս բացը լրացւում է 1671թ.ի Մարտին շաբաթը ու պարսկերէն այն եղակի կարեւորութիւն ներկայացնող փաստաթղթով, որն ուղղուած է ուստի թաղաւորին եւ որով Նոր Զուղայի հայ մէծամեծերը լիազօրում են Գրիգոր Լուսիկովին, իրենց անունից բանակցութիւններ վարելու ուստի թաղաւորի հետ. բացատրելու թէ ինչու հայերը չեն կատարել

իրանի մետաքսը Ռուսաստանի վրայով Եւրոպա արտահանելու իրենց պարտաւորութիւնը (որը բացատրում էին Ստեփան Ռազինի ապըստամբութեան հետեւանքով՝ ստեղծուած ճանապարհների անապահովութեամբ) եւ նոր հաւաստիացումներ ստանալու առեւտուը վերսկսելու պայմանների մասին։ Այդ փաստաթղթի մէջ ասուած է (քաղուածքը բերւում է ոռուելինից արուած մեր թարգմանութեամբ)։ «Զեր յետին ծառայ Յոդզանը, Ապահանի Զուլֆա արուարձանի քաղանթար, ընկեր աւազների («առափարիչի ստարչնի») հետ միասին երկրպագում ենք եւ յայտնում որ [յանձնարարական] գրութեամբ Ռուսաստան ենք ուղարկում Գրիգորին (Լուսիկով), որպէսզի տեղեկութիւն ստանայ ճանապարհի ապահովութեան մասին եւ Զերդ թագաւորական մեծութեան ողորմածութիւնը շարունակուի, եւ երբ ճանապարհը շարագործ կազմակներից ազատ եւ ապահով լինի, եւ ամրութիւններ ու հանգրուաններ կառուցուեն, այդ ժամանակ հրահանգ տրուի պաշտօնակատար անձանց, որպէսզի վաճառական մարդիկ երթեւեկեն երկու ուղղութիւններով՝ ապրանքով եւ առանց ապրանքի, այնուեղ (Ռուսաստան) եւ նրա վրայով դերմանական (իմա՝ եւրոպական) երկրներ»²¹։

Գրիգոր Լուսիկովին տրուած այս լիազօրագրի տակ իրենց ստորագրութիւններն ու կնիքներն են զրել Զուլայի մեծամեծերից 23 անձինք։ Ինչպէս եւ սպասելի էր, առաջին ստորագրութիւնը պատկանում է Զուլայի վերոյիշեալ քալանթար Բոդզանին (Աստուածատուր անուան ոռուերէն համարժէքն է), որն ստորագրել է այսպէս։ (տալիս ենք ոռուերէն բառերը հայկական տառագարձութեամբ)։ «Վիրորնոյ չելովեկ Աստուածատուր Միրեթենց», այսինքն՝ «Ընտրովի անձ (իմա՝ քալանթար) Աստուածատուր Միրեթենց»։ Քալանթարից յետոյ ստորագրած անձանց՝ «Ընկեր աւազների» մասին յիշատակութիւններ կան Գրիգոր Լուսիկովի բանակցութիւնների վերաբերեալ այլ փաստաթղթերի մէջ եւս։ Նրանք մէկ կոչուած են «Հայկական կոմպանիայի դեկապար անձինք» («արմեանսկոյ կոմպանիի նաշալնիէ լիւդի»)²², միւս զէպքում՝ «Ապահանում գտնուող հայերից լաւագոյնները» («արմեանսկիէ լոււչիէ լիւդի, կոտորիէ եստ վ իս-

21. Հայ-Ռուսական Յարաբերութիւնները ժէ. Դարում, էջ 90-91։

22. Այսպէս զրուած Պոսոլսկի Պրիկազում (Դիւանագիտական Ասեանում) կազմուած այն փաստաթղթի մէջ, որ վերաբերում է Գրիգոր Լուսիկովի ժամանման նախակին եւ բանակցութիւններին։ Այսեղ բուարկուած են նաև նրա երկայացած պաշտօնական գրութիւնները։ 1— Շահ-Սուլեյմանի հրովարտակը, 2— Գանձասարի կառողիկոսի կանդալը եւ 3— մեզ հետաքրքրող փաստաթղթը, որ կոչուած է «Հայկական կոմպանիայի դեկապար անձանց 21 (պէտք է լիներ 23)

սպոգանի»)՝ Մէկ անդամ միայն, եւ այդ հենց Գլխիդոր Լուսիկովի ինքնաձեռագրով՝ մեղ հասած է թագաւորին ուղղուած հայերէն ինդրագրի մէջ (գրուած 1671 թ.-ի Յուլիսի 27-ին), նրանց ստորագրած եւ քննարկման ենթակայ փաստաթուղթը, որի լիազօրութեամբ ինքը ժամանել էր Մոսկուա, Լուսիկովը դրում է. «զարձեալ մեր քալանքը, կուպանին արդայ այն գըրէլ մեծ թագաւորին. համէնքը նին արդին յետկուորն ձեռն այն դըրէլ, մըրէլ, թէ ինչ օր Ֆաղիրիս Մոսքովայ մէծ թագաւորին ուղարկումն հառէչմէ շինելէ այժ, կամ էլ ինչ բայն յետ [կ]ու շինեմ, զարուի այ, էս արդէս էլ բերում այմ մէծ թագաւորին զուլուղն»²⁴:

Այսպիսով, ստացուում է, որ Գրիգոր Լուսիկովին սուսական իշխանութիւնների հետ լանուկցելու յանձնարարութեամբ Մոսկուա ևն ուղարկել նախ՝ Նոր Զուղայի քալանթարը, ապա՝ 22 անձնաւորութիւններ, որոնք կոչուած են «ընկեր աւագներ», «ղեկավար անձնք», «հայերից լաւագոյնները», եւ, վերջապէս, «կուպանեքն, այսինքն կոմպանիաների (չեշուում ենք՝ կոմպանիաների եւ ոչ կոմպանիայի) ղեկավարները»:

Ծանօթանանք ղեկավարների այդ ցանկին, սուսական տառագարձութեամբ ներկայացուած եւ զդալի չափով ազաւազուած հայերէն անուն-ազգանուններին՝ հնարաւորին չափով տալով իրենց նախնական կերպարները²⁵:

- (1) Աստուածատուր Միքայէլ Հարութէնց (Զուղայի քալանթար)
- (2) Պատիկազա Շահիխասոէնց
- (3) Աղափիրի Զախաթունէնց

մարդկանց խնդրագիրը (տես՝ Հայ-Ռուսական Յարարերութիւնները Ժկ. Դարում, էջ 83):

23. Այս գրուած է Գանձասարի Պետրոս կարողիկոսի կոնդակի մէջ, որով խնդրում է Ալեքսէյ Միխայլովիչ ցարին բարեյազող ընթացք տալ Գրիգոր Լուսիկովի բանակցութիւններին (տես՝ Հայ-Ռուսական Յարարերութիւնները Ժկ. Դարում, էջ 92):

24. Հայ-Ռուսական Յարարերութիւնները Ժկ. Դարում, էջ 72: Մէջքերումը կատարում ենք լսու լուսանկարի եւ ոչ՝ տպագրութեամ, որի մէջ կան քերութիւններ:

25. Ցովհաննէսի փոխարէն, օրինակ, ուռւերէնում գրուած է Գունէս, Գրիգորի փոխարէն՝ Գրիգորէյ, Ղուկասի փոխարէն՝ Գուկաս, Զախարունէնցը՝ Շախարունէնց, Քառամանկացը՝ Կարաս Մանկառ, Փանոսէնցը՝ Պոնոսնեց եւ այլն: Ճշշրուտը կատարելիս օգտագործել ենք նաև այլ աղբիւթեր, որտեղ յիշատակուած են նոյն անձինք կամ նոյն գերդաստանի այլ անդամներ:

- (4) Մարդար Շահրիմանէնց
- (5) ՍաՓար Թոռփէնց
- (6) Զաքար Գերաքէնց
- (7) Մարտիրոս Աղէնց
- (8) Աւետիք Գերաքէնց
- (9) Վախտում Զուակըլի
- (10) Գրիգոր Գիուղէնց
- (11) Յովհաննէս Զեարկալանէնց
- (12) Ազագար Քամալէնց ²⁶
- (13) Ղուկաս Զամալէնց
- (14) Գրիգոր Ամիրասաթէնց
- (15) Ազափիրի Միրզարէղէնց
- (16) Ոսկան Զահիրունց
- (17) Մինաս Փանոսէնց
- (18) Վալեանդիս Թաղարինց
- (19) Յակոբչան Ուստաբաշի
- (20) Ապով Լուսիկէնց
- (21) Յովսէփ Սանէնց
- (22) Կարապետ Քառասմանկանց
- (23) Յովհաննէս Ասկանդարով²⁷ :

Զուզահայերի անունից այս լիազօրազիրը ստորագլուող անձինք, առաջին հերթին Ժի. Պարի 70-ական թուականներին հայկական այդ բնակավայրի տնտեսական կեանքում ամենից աւելի զործոն դեր կտարող առեւտրական զերգաստանների զեկավարներն են՝ խոչայտան դասի ընտարանին։ Քալանթարից յետոյ լիազօրագիրն ստոլադրողների ցանկը գլխաւորում է Պստիկազա Շահիխասենցը։ Շահիխասենց կամ ՍաՓրազեան կոչուող գերդաստանը գեռեւս Հին Զուզայում ամենաբարձր դիրքն էր զրաւել զիւղաքաղաքի կեանքում։ Այս զերգաստանի աւագ՝ Խոջա Խաչիկը, Հին Զուզայի քալանթարն էր, որը Շահ-Արքասից ստացել էր յատուկ հրովարտակ՝ ազատ առեւտուր անելու իրաւունքով, կառուցել էր երկու մեծ կարավանատուն եւ այլն²⁸։ Բնեազաղթից յետոյ նորաշէն Զուզա հայաքաղաքի քալա-

26. Ռուսերէն գրուած է կամակենց։

27. Հայ-Ռուսական Յարարերութիւնները Ժի. Դարում, էջ 90-91։

Այստեղ է հետագայ ցանկերում քուարկուած անձանց հերթական համարանիշները դրաւած են մեր կողմից։

28. Ս. Վ. Տէր-Աւետիխսեան, Զուզա Քաղաքը, Թիֆլիս, 1937, էջ 32-37 (Առևերէն)։

թարներ են դառնում սրա որդիները, նախ՝ Խոջա ՍարՓրազը (մահ. 1618թ.), որին ժամանակակիցները նոյնիսկ «Հայոց թագաւորի» տեղ էին ընդունում²⁹, ասա նրա նշանաւոր եղբայր Խոջա Նազարը (մահ. 1636թ.): Պատիկաղա Շահիսասենցը ՍարՓրազի նշանաւոր թոռներից է՝ Մելիքաղայի որդի Խաչիկը, որը ժամանակակիցների կողմից ճանաչված է աւելի իր Պատիկաղա մականունով³⁰:

Լիազօրազրի երրորդ ստորագրողը Աղափիրի Զախաթունենցն է: Այս գերդաստանը եւս 1660-ական թուականներին եղել է Զուղայի ամենահարուստ ու նշանաւոր խոջայական գերդաստաններից: Սահայն նրանց մասին ուրիշ տուեալներ առայժմ յայտնի չեն:

Ստորագրութիւններից չորրորդը՝ Մարդար Շահը իմանենցինն է: Շահը իմանեանները Զուղայի կաթողիկէ հայերի պարագլուխն էին եւ հսկայական գեր էին կատարում իրանի արտաքին առեւտրի բնագաւառում: Մարգար Շահը իմանեանի եղբայր Զաքարն էր, որ հայուսական պայմանակիրը կնքելուց մի քանի տարի առաջ Ռուսաստան էր տարել նշանաւոր աղամանդեայ դաշը եւ այլ թանկարժէք արեւելեան ապրանքները: 1660թ. մի փաստաթղթի մէջ ասուած է, որ Շահը իմանեանների բազմաթիւ գործակատարները «առեւտրական գործերով եւ ամէն տեսակէ թանկարժէք գործուածքներ ձեռք բերելու նպատակով մեկնում են բոլոր երկրները»³¹: Շահը իմանեանները Սպահանում ունէին յիսուն ծառայ եւ իրենց առեւտրական գործունէութիւնը

29. Նրա տապանախարի վրայ գրուած է.

«Ա՛, իմ աննման Խօջայ, որ էիր Հայոց քաջաւոր,

Անումն ՍարՓրազ կոչի՝ սրբնքաց օօրեղ դատաւոր...»

(տես՝ Հ. Տէր-Յովհանեսց, Պատմութիւն Նոր Զուղայու Որ յԱսպահան, Ա. Խոր., Նոր Զուղա, 1880, էջ 91):

30. Հ. Տէր-Յովհանեսցը ձեռքի տակ վստահելի նիւթեր չումենալով, չի կարողացել վերականգնել ՍարՓրազեան կամ Շահիխասենց նշանաւոր գերդաստանի տոհմագրութիւնը: Այս թէրին յաջողութեամբ լրացրել է Յ. Քիւրտեանը՝ Զուղայի Խոջա Նազար եւ իր Ծնոտանիքը (Պոսրըն, 1943), յօդուածով, որի մէջ օգտագործուած են տարբեր վայրերում պահուող հայերէն բազմարիւ ձեռագրերի արժէքաւոր յիշատակարանները: Յատօֆ, նրան անծանօթ են եղել Մաշտոցի անուան Մատենադարանի թիւ 201 ձեռագրի յիշատակարանները, որոնցից մէկում (գրուած 1660թ.) կան ստոյգ տուեալներ այս գերդաստանի մասին: Պարզում է, որ Խոջա ՍարՓրազն ունեցել է Վարչան, Մելիքաղա, Չուանիկուլ, Սուլթանում եւ Զալալ անունով որդիներ, իսկ Խոջա Նազարի որդիների անուններն են՝ ՍարՓրազ, Էլիազ և Հայկաղ (Մատենադարան, ձեռ. թիւ 201, էջ 612թ.):

31. Հայ-Ռուսական Յարաբերութիւնները Ժի. Դարում, էջ 25:

ծաւալում էին, օգտագործելով հարիւր դործակատարներ³²:

Ցանկի բոլոր քսաներք ստորագրողների ու Նոր Զուղայի տընտեսական կեանքում նրանց կատարած դերի բացայայտումը մեծ դժուարութիւնների հետ է կապուած: Տուեալ յօդուածով մեր նպատակից դուրս համարելով այդ դժուարին խնդիրը, կանդ կ'առնենք միայն մի քանիսի վրայ եւս:

Ստորագրողներից Երգը եւ 8-րդը հանդիսանում են Գերաքենց դերդաստանի երկու տարրեր ճիւղերի ներկայացուցիչները, որոնք հանդէս են եկել նաեւ Միքման-Գերաք աղղանունով եւ մեծ զեր են կատարել Վենետիկում, Լիվոննոյում եւ այլ վայրերում: Հ. Տէր-Յովհաննեանցը, անդրադառնալով զրանցից մէկի գործունէութեանը, ասում է, որ նրա «սուրեւասութեան բազուկ ձգեալ կայր յԵւրոպայ եւ ի կողմն Աստրախանայ եւ Գիլանայ»: Այստեղ ստորագրողներից Խոջա Զաքարը եւ նրա Ըմպումազա եղբայրը, նոյնպէս բազմաթիւ գործակատարներ ունէին: 1682թ.ին նրանք վարկաւորեցին Յովհաննէս Տէր-Դաւթեան վաճառականնին, որն իր աղաների սրիշ գործակատարների հետ միասին, առեւտուր էր անում Հնդկաստանում, Ներալում եւ Թիաբեթում³³:

Ամիրասաթենց Գրիգորի հայ կաթողիկէ դերդաստանը սերուրէն շաղկապուած էր Շահրիմաննեանների հետ: Սրա թոռներից մէկը, որ կրում էր պապի տնունը, Ժ. Պարի 40-ական թուականներին հաստատուել էր Մոոկուայում եւ զրադուած էր թանկագին քարերի առեւտրով³⁴:

Գուշաս Զամալենցի մերձաւոր աղղականները Ժ. Պարի վերը հսկայական հարստութեան տէր էին Պարձել: Նշանաւոր էր յատկապէս Յովհաննէս Զամալենցի որդի Յովհաննանը, որի միջոցներով 1701թ.ին կառուցուեց Ամենափրկիչ վանքի զանդակատունը: Այդ մասին փորագրուած արձանագրութեան մէջ այդ խոջան մեծարուած է: «Գոյիւք եւ ընչիւք իշխանաշուք, աղնուատոնչմ եւ պերճապատիւ պարոնաց պարոն» տիտղոսով³⁵:

Կարապէտ Քառասմանկանցի գերգաստանը, նոյնպէս, յայտնի է Եղել իր ճոխութեամբ ու հարստութեամբ: Բայ աւանդութեան, այդ

32. R. Gulbenkian, հ. աշխ., էջ 366, վկայակոչում է A Chronicle of the Carmelites in Persia, London, 1939, vol. II, p. 451.

33. Լ. Խաչիկիս, Յովհաննէս Զուղայեցու Հաշուեաումարը, «Armenia-ca», Mélanges d'Etudes Arménianes, Վենետիկ, 1969, էջ 244-252:

34. Մատենադարան, ձեռ. թիւ 6240, էջ 39ա:

35. Հ. Տէր-Յովհաննեանց, հ. աշխ., թ. հար., էջ 5:

աղղանունը ծաղել է նրանց յարկի տակ միաժամանակ քառասուն մանկանց տոկայութեամբ³⁶:

Նշանաւոր են եղել նաեւ Լուսիկենց տան անդամները: Գրիգոր Լուսիկենցը հայ-ոռուսական պայմանագիրը ջուղայեցիների յանձնարարութեամբ ստորագրողներից մէկն էր եւ բանակցութիւնների երկրորդ փոխի միակ վարողը: 1692 թ.ին, նոյն դերդաստանի երկու անդամներին՝ Մարութիւն եւ Եսայում, հանդիպում ենք Կալկաթայում³⁷, իսկ Ժ. գարի 40-ական թուականներին Ամսդերտամում է գտնուում ոմն Գրիգոր որդի Յովհաննէսի, որի ազգանունն է Ապոլինեց: Մեծ հաւանականութեամբ, սա Ապով Լուսիկենցի թոռներից է, ուստի այդ դերդաստանը եւս ճիւղաւորումներ է տուել ու տարածուել՝ Եւրոպայի ու Ասիայի առեւտրական կեղրոններում³⁸:

Այսպիսով, պարզ է գառնում, որ Ռուսաստան (նաեւ այլ երկըրներ) ջուղահայերի կողմից առաջուող բանադնացների թիկունքում կանգնած էին այդ հայաքաղաքի խոչըրագոյն առեւտրական գերդաստանների, այլ խօսքով՝ առեւտրական կոմպանիաների ղեկավար դէմքերը, խոջայական կապիտալի աւագ ներկայացուցիչները: Եւ չկայ թէկուզ մի ակնարկ այն մասին, որ նրանք միաւորուած են եղել մի հսկայ առեւտրական կաղմակերպութեան մէջ ու հանդէս ելել որպէս եւրոպական տիպի, բաժնետիրական սկզբունքներով՝ կեանքի կոչուած առեւտրական ընկերութեան ներկայացուցիչներ:

Անդրադառնալով՝ միջնադարեան Եւրոպայի առեւտրական ընկերութիւնների կառուցուածքի հարցերին, Ֆ. Էնդելսը յանդել է այն եղրակացութեան, որ նրանք կեանքի են կոչուել համայնքի (մարկացի) աղղեցութեամբ, ժառանդելով նրա աւանդական ձեւերը³⁹: Այս եղրակացութիւնը շատ խոստումնալից է նաեւ արեւելեան երկրների առեւտրական բնակավայրերի՝ քաղաքների եւ գիւղաքաղաքների, վարչական մարմինների ու տնտեսական կեանքի ղեկավարման օղակների ուսուումնասիրութեան համար: Անդրադառնալով՝ հայկական միջավայրին կարելի է եղրակացնել, որ միջազգային ապրանքափոխանակութեան հետ առընչուած բոլոր հայկական քաղաք-գիւղա-

36. Հ. Տէր-Յովհաննեանց, ԱՀ. աշխ., Ա. Խոր., էջ 149:

37. Յովհաննէս Տէր Դաւթեանի հաշուեմատեան (Ճեռագիրը պահպանում է լիքառնի ազգային գրադարանում 7970 համարի տակ): Մատենադարանում կայ այդ հաշուեմատեանի լուսանկար պատճենը):

38. Մատենադարան, Ճեռ. թիւ 6240:

39. Ն. Պ. Սոկոլով, Զինոյ Սացցատոյ. Վենետիկի Տնտեսական Պատմութեան Աւրուադեր, Պադույա, 1954, «Սրեդնիէ վեկա» Ժ., 1957, էջ 263 (ռուսերէն):

քաղաքների նմանութեամբ, Նոր Զուղան եւս իր ներքին դործերում ինքնավար էր, եւ նոյնիսկ այնքան, որ որոշ եւրոպացիներ այն համարում էին «փոքրիկ հանրապետութիւն»⁴⁰:

Այսպէս էր Զուղան նաեւ մեծ բռնադաղթից առաջ, Արաքսի ավին՝ իր հին բնօրբանում : 1595 թ.ին Հին Զուղայում ընդօրինակուած մի ճառընտիրի յիշատակարանի մէջ զրուած է . «Եւ արդ, եղեւ լրումն եւ աւարտ կատարման այսմ աստուածախօս տառիս ի մայրաքաղաքն Զուղայ, որ է հանդիսաւ եւ պարծանք Հայկաղեան տոհմիս» : Աղաչելով արարչից շնչ պահել իրենց այդ «մայրաքաղաքը» գրիչը յայտնում է, որ ձեռագրի ընդօրինակման աշխատանքները կատարել է «ի մելիքութեան Զուղայու պարոն Սուլթանվալուն»⁴¹ :

Բազմաթիւ փաստեր կան այն մասին, որ մելիքութեան պաշտօնը ընտրովի է եղել : Զաքարիա Ազուլեցին, օրինակ, իր օրագրութեան շարադրանքի ընթացքում միշտ էլ նշումներ է արել այն մասին, թէ տուեալ նիւթը գրանցելիս ով է եղել իր հայրենի գիւղաքաղաք Աղուլիսի մելիքը⁴² : Այդ պաշտօնի ընտրովի լինելը պարզուում է բազմաթիւ սկզբնաղբիւրների վկայութեամբ : Նոյն Զաքարիան 1673 թ. մի գրանցման մէջ յայտնում է, որ այդ տարի Ազուլիսն ունեցել է երկու մելիք, որովհետեւ վէճ է առաջացել գիւղաքաղաքի երկու թաղերի միջնեւ : Ներքին թաղեցիները առաջաղըել են Քուրդոնց Ալեքսանի, իսկ վերին թաղեցիները՝ Օվիի թեկնածութիւնը . «Այսպէս Բ բաժնեցան, — զրում է Զաքարիան, — շատ աղմուկ լինէր մէջն»⁴³ : Գրական տանուտէր-մելիքներն էլ էին ընտրովի : Տեղեկութիւն ունենք այն մասին, թէ ինչպէս քանաքեոցիները միարանութեամբ տանու-

40. Դէ-Շինոն, որ Նոր Զուղայում եղել է մէջ դարի կէսերին, գրել է, օրինակ, այսպիսի տողեր. «Թագաւորը այդ փոքրիկ հանրապետութեան կառավարութիւնը տուել էր հայ Խոչա Սաֆարին, իսկ յետոյ էլ նրա եղբօրը, նրանց այժմեան կառավարչի եօրը՝ Խոչա Նազարին» (տես՝ John Garswell, **New Julfa, Armenian Churches and Other Buildings**, Oxford, 1968, p. 78).

41. Ս. Տէր-Աւետիսիսն, Յուղակ Հայերէն Զնուաղըաց Նոր Զուղայի Ամենամբակիչ Վանքի, Վիեննա, 1970, էջ 271:

42. Զաքարիա Ազուլեցու Օրագրութիւնը, Երեւան, 1938: Բերենք մի քանի գրանցում. «Յամի ՌՃՁԳ (1664 թ.) ... Ազուլաց մէլիքն՝ Բագալիջ Շահնազարն էր» (էջ 70), «Քուիս ՌՃՁԼ (1668 թ.) Ազուլաց մէլիքն էր մելիք-Մանուկն» (էջ 78), «Քուիս ՌՃՁԼ (1669 թ.) ... այս տարուս Ազուլիս մէլիք չունէր...» (էջ 80), «Քուիս ՌՃՁԻ (1671 թ.) ... այսմ ամի Ազուլաց մէլիքն էր Քուրդանց Սարգաւահի որդի Ալեքսան» (էջ 112) եւ այլն :

43. Նոյնը, էջ 119:

տէր են ընտրել իրենց համապիւղացի ոմն Ամիրջանի . «Միաբանեցան ամենայն գեղականքն եւ ասեն , եկայք զիցուք զսա տանուտէր , թերեւս սանձեցուք դհպարտութիւն դորա : Եւ արարին այնպէս եւ եղին զնա տանուտէր Քանաքեռոյ» , – գրել է լաւատեղեակ պատմիչը⁴⁴ : Բայ որոշ տուեալների՝ քաղաքատիլ վայրերում , համայնքի կողմից ընտրուած մելիքից բացի , չահի կողմից ուղարկում էր յատուկ պետական պաշտօնեայ՝ քալանթար , որ պետութեան ներկայացուցիչն էր այդ վայրում եւ պէտք է ապահովեր պետական հարկերի գանձումը եւ այլն : Սակայն , մեծ մասամբ , հայկական առեւտրական կեղրոններում քալանթարի պաշտօնը չահական յատուկ հրովարտակով յանձնում էր համայնքի կողմից ընտրուած մելիքին : Ազուլիսում մելիքը , միաժամանակ եւ քալանթարի էր ընտրուած Մելիք Շահնազարը : 1678թ .ին Ազուլիսի ու Դաշտի բնակիչները յատուկ համախօսականով Սալահան ուղարկեցին իրենց նորընտիր մելիք Օլուն , որպէսզի նրան եւս որուի քալանթարութեան պաշտօնը⁴⁵ : Մելիքի ու քալանթարի պաշտօնը միաւորուած էր նաեւ Զուղայում : Յոնապաղթից առաջ այնտեղ քալանթարի պաշտօնը զրաւում էր Շահիխասենց գերդաստանից՝ վերոյիշեալ Խոջա Խաչիկը , որը Շահ-Աբրասից 1580թ .ին ստացել էր յատուկ հրովարտակ՝ ազատ առեւտառը անելու իրաւունքով : Պահպանուել է նրա խաչքար-մահարձանը , որի վրայ փորագրուած է . «Սուրբ խաչո բարեխաւս առ Քրիստոս մեծ եւ անուանի քաղաքապետ Խաւջա Խաչիկին»⁴⁶ : Նոր Զուղայի հիմնադրումից յետոյ , հերթականութեամբ , նորացն այդ հայքաղաքի քալանթարներ են դառնում նրա որդիները՝ նախ Խոջա Սաֆրազը , ապա նրա նշանաւոր եղբայրը՝ Նազարը : Սաֆրազեան այդ հզոր խոջաներից յետոյ , որոնք մեծ կշիռ ունեին իրանի արքունիքում , եւ երեք-չորս սերունդ շարունակ ժառանդակ ժառանդական սեփականութիւն էին դարձրել քաղաքի ղեկավար պաշտօնը , համայնքի կեանքում մեծ կշիռ ունեցող խոջաների կամքով եւ ընտրութեամբ քալանթար են դառնում ուրիշ գերդաստանների ներկայացուցիչներ , ունենալով հաւանաբար նաեւ անձնական բարեմասնութիւններ եւ կազմակերպչական ընդունակութիւններ :

Գրիգոր Լուսիկովին տրուած վերոյիշեալ լիազօրագիրի ստո-

44. Զաքարիա Սարկաւագի Պատմագրութիւն , թ . հար . , Վաղարշապատ , 1870 , էջ 1-2 :

45. Զաքարիա Ազուլիսին յայտնում է , որ 1678թ .ին «Քանի առաջմէ ուրիշ քալանթար Աբուլաց ու Դաշտին դախլ չեն ամիլ , ով որ Աբուլաց ու Դաշտին մէլիք լիմի , որ քալանթար էլ նայ լիմի» (տես՝ Զաքարիա Ազուլիսու Օրագրութիւնը , էջ 139) :

46. Ա . Վ . Տէր-Աւետիսինան , Զուղա քաղաքը , էջ 32 , 37 (ռուսերէն) :

բազրուած խոջաների ցանկը, ինչպէս արդէն նշել ենք, իր անուն-աղ-
գանունով բացել է 1671թ.ի քալանթարը՝ «ընտրովի անձ» («լիբոռնայ
չելովեկ») Աստուածատուր Միրեթենցը, ազգանունից դատելով՝ «
շատ անուանի ընտանիքի ներկայացուցիչ»: Քննարկուող ցանկի մէջ
իր տեղն է զրաւել նաեւ քաղաքի արհեստաւորական դասի ներկայա-
ցուցիչը՝ ուստարաշի Յակոբջանը: Յայոնի է, որ Մերձաւոր ու Մի-
ջին Արեւելքի միջնադարեան քաղաքների սոցիալ-տնտեսական կեսն-
քում զգալի դեր էին կատարում ուստարաշու ընտրովի պաշտօնը
զրաւող անձինք, որոնք պետական մարմինների առջեւ հանդէս էին
դալիս, որոնք տուեալ քաղաքի արհեստաւորական համքարութիւն-
ների զեկավարներ: Կար նաեւ զլիսաւոր ուստարաշու պաշտօն: Աղ-
պէս էր կոչում բոլոր համքարութիւնների կողմից ընտրուած զեկա-
վար պաշտօնեան, որի զլիսաւորութեամբ ի մի էին զալիս տարբեր
մասնագիտութեան արհեստաւորական համքարութիւնների զեկա-
վարները: Երանք քննարկում էին ընդհանուր հետաքրքրութիւն ներ-
կայացնող հարցեր, հարթում միմեանց միջեւ ծաղած վէճերն ու ան-
համաձայնութիւնները, հաւանաբար մասնակցելով նաեւ հարկերի ու
տուրքերի մասնարման եւ գանձման աշխատանքներին⁴⁷:

Այսովով, շատ որոշակի են Նոր Զուղայի համայնքի զեկավար
քսաներեք անձերից երկուսի՝ քալանթարի եւ ուստարաշու պաշտօնա-
կան հանդամանքները: Սոցիալական իրենց զիրքով մեզ համար ար-
դէն պարզ է, որ միւս քսանմէկ ստորագրողները, բոլորն էլ, Նոր
Զուղայի մեծահարուստ խոջայական զերդաստանների ներկայացու-
ցիչներ էին, իսկ թէ հայաքաղաքի ինքնավարութեան օղակներում
դրաւած իրենց պաշտօնով ովքեր էին նրանք, կարելի է պարզել ու-
սումնասիրելով Նոր Զուղայի ստեղծման պատմութիւնն ու թաղային
համակարգը:

*
**

Արեւելեան Հայաստանի չէն նահանգներն անապատ դարձնելու
իր ծրագիրն իրագործելիս, իրանի դաժան տիրակալ Շահ-Արքասը
յատուկ պայմաններ էր ստեղծել ջուղայեցի եւ, ընդհանրապէս, քա-
ղաքաբնակ հայերի համար: Նրանց փոխադրելով իր նոր մայրա-
քաղաքը՝ Սպահան, յատուկ հողամաս էր յատկացրել հին ջուղայե-
ցիներին, որոնք այնտեղ կառուցեցին իրենց նոր զիւղաքաղաքը, պահ-

47. Ա. Ա. Եղիազարով, Ուսումնասիրութիւններ Անդրկովկասում Գոյութիւն
Ունեցող Հաստատութիւնների Պատմութեան, մասն Բ., Քաղաքային Համքարու-
թիւններ, Կազան, 1891, էջ 267-328 (ռուսերէն):

պանելով բնօքրանի անունը՝ Զուղա: Ժէ. դ. 50-ական թուականներին այդ հայտագաղաքն ընդարձակուեց կից կառուցուած նոր թաղամասոերով, որտեղ բնակութիւն հաստատեցին նախարէս Սպահանի տրուարձաններում տեղաւորուած երեւանցիները, դաշտեցիները, դասկացիները, թաւրիզեցիները և ուրիշներ: Սրանք, սակայն, վարչական առումով չժողուցեցին Զուղայի հետ, չենթարկուեցին Նոր Հուղայի ինքնավար մարմիններին, այլ երկար տասնամեակներ դոյցատեւցին որպէս ինքնուրոյն համայնքներ⁴⁸: Իսկ Նոր Զուղան կառուցուեց որոշակի մի նախալծով՝ զլիսաւոր պողոտայով ու նրան հատող փողոց-թաղամասերով: Գլխաւոր այդ պողոտան, որն ուղղադիմ ձգուած էր արեւելքից արեւմուտք (ունէր 3276 քայլ երկարութիւն, 16 քայլ լայնութիւն), քաղաքի նշանաւոր քալանթար Խոջա Նազարի անունով կոչուել է Նազարի խիավան: Այս պողոտայի վրայ էին գտնուած բաղմաթիւ վաճառատներն ու արհեստանոյները⁴⁹: Պողոտան բաժանուած էր երկու հատուածի, որի արեւմտեան կողմում՝ կոչուած Սաֆրազեանց դուռ, բնակութիւն էին հաստատել հայ առաքելական եկեղեցու ղաւանանք ունեցող (լուսաւորչական) հայերը, իսկ արեւելեան կողմը՝ Շահրիմաննեանց դուռ կոչուող, դարձել էր հռովմէաղաւան (կաթողիկէ) հայերի քաղաքամաս: Զանդարուդ դեմից դէպի հարաւ ձգուած են եղել տասը ուղղագիծ ու լայնարձակ փողոցներ, որոնք հատուելով Նազարի խիավանի հետ, բաժանուել են քսան ինքնուրոյն հատուածների (տասական հատուածներ՝ աջ ու ձախ մա-

48. Այս առումով հետաքրքրական է 1702 թ. մի ձեռագրի յիշատակարանը. «Աւարտեալ սուրբ գիրքս, որ կոչի Ազգաքանգեղոս, — գրուած է այնուղ, — ի բաղան Շօշ, որ է Ըստահան, ի գիրքն Նոր Երեւան, ի դուռն սուրբ Ամենափրկչին, ձեռամբ փծուն եւ ախմար գրչիւ՝ Խաչանուր իրիցի» (տես՝ Օ. Եղանեան, Յուղակ Զեռագրաց Նիւ-Եռոքաբնակ Յ. Հազարւեանի, ձեռ. թիւ 60, անտիպ):

Սկզբնաղիբիթերում յանախ հանդիպում ենք զուղայեցի տարբեր անձնաւորութիւնների, որոնք կոչում են երեւանցի (օրինակ՝ Ասկան Երեւանցի), դաշտեցի (օրինակ՝ Ստեփանոս Դաշտեցի) և այլն, որոնք սակայն ոչ բուն երեւանցի են եւ ոչ էլ դաշտեցի (Ագուլիսի Երկու քաղերից մէկն է), այլ նոր Զուղային առներեր կառուցուած համանուն բնակավայրերի ծնունդ:

49. Զուղահայ աշուղ Բաղեր Օղլին այսպիսի տողեր ունի Նազարի խիավանի մասին.

Բաստ (ուղղագիծ) այ խերէվան (պողոտան),

Դուքանն փաքիզ (մաքուր) այ բազարն Ձուղու,

Դուքանն փաքիզ այ, մարդիկ սափարով (քարեշնորհութեամբ),

Աղինին նստուած ոսկէ սահաբով:

(տես՝ Հ. Տէր-Յովհանեանց, նշ. աշխ., Ա. Կոր., էջ 172):

սերում) : Այդ փողոցներից իւրաքանչիւրը, որն ունեցել է իր մուտք-դարբասը, գիտուել է որպէս ինքնուրոյն մի թաղամաս, կոչուելով ա-կանաւոր բնակիչներից մէկի անունով՝ այս կամ այն անձի «տաս-նակ» : Հայկական միջնադարեան դիւզական համայնքից ժառանդուած ու գարաւոր աւանդոյթ ունեցող տասնակային այս համակարգը, ըստ նոր Զուզայի հետ առընչուող փաստերի, ընկած է եղել նաեւ հայկա-կան քաղաքների կազմակերպչական կառուցուածքի հիմքում : Գիւ-ղական տասնակների գլխաւոր խնդիրն է եղել համայնապատկան չողի ու ջրի տնօրինումը, ինչպէս նաեւ պետական հարկերի ու տուր-քերի բաշխումը տասնակի մէջ ընդդրկուած ընտանիքների վրայ եւ այլն :

«Տասնակաւակները» (ստորեւ կը տեսնենք, որ նոր Զուզայի փաստաթղթերում այլպէս են անուանուած տասնակների դեկավար-ները) իրենց մշտական տեղն են ունեցել համայնքի դեկավարութեան մէջ, տանուտէրից (գեղջաւադից) յետոյ եղել են ամենահեղինակաւոր եւ վարչական իրաւունքներով օժտուած անձինք⁵⁰ : Թաղապետ-տաս-նակաւադի պաշտօնը եւս ընտրովի է եղել : Այս միշտ էլ գրաւել են տուեալ թաղի մեծահարուստ գերզաստանների ներկայացուցիչները, համապատասխան օժանդակութիւն ստանալով համայնքի բոլոր գոր-ծերը տնօրինող աշխարհիկ ու հոգեւոր վերնախաւել կողմից : Այս մա-սին գրել է Զաքարիա Աղուլցին, «տասնակաւադ» եղրի փոխարէն գործածելով զրան համարժէք «տանուտէր», ինչպէս եւ թուրքերէն «աղստիկալ» եղրերը : Նա յայտնում է, որ երկար տարիներ Աղուլցին Դաշտ թաղամասի տանուտէր կամ աղստիկալ է եղել մեծատուն մի անձնաւորութիւն՝ մղդսի Մելքոնմը, Թոմա Առաքեալի վանքի վանա-հօր կուսակիցն ու թեկնածուն : Դաշտեցիները, հակառակ վանահօր ցանկութեան, այդ պաշտօնից զրկել են Մելքոնմին, նրա փոխարէն տանուտէր ընտրելով ոմն Տէր Մարգարի որդի Ազարի : Այս կապակ-ցութեամբ հակառակ կողմերի միջնեւ երկարաւել պայքար է ծաւալ-ուել⁵¹ :

50. Ս. Ա. Եղիազարով, Ռւսումնասիրութիւններ Աղուլցիկասում Գոյութիւն Ունեցող Հիմնարկութիւնների Պատմութեան, մասն Ա., Գիւղական Համայնք, Կազամ, 1889, էջ 110–120 (ռուսերէն) : Լ. Ա. Խանլարեան, Նախառեֆորմեան Շըր-ջանի (ՃԹ. դ. 40–60–ական թթ.) Հայկական Գիւղի Բնութագրման Մասին «Խստրի-չեսկի գապիսկի» թիւ 58, 1956, էջ 162 (ռուսերէն) :

51. Զաքարիա Աղուլցու Օրագրութիւնը, էջ 77–78: Համայնքի անդամների եւ ընտրովի դեկավարների (մելիք եւ տանուտէր) միջեւ առաջացած տարածայնու-թիւնների ու պայքարի, ինչպէս եւ նրանցից հաշիւ պահանջելու եւ, նոյնիսկ, զան-ցառուին պաշտօնագուրի անելու եւ պատճելու իրաւունքի մասին կարեւոք տեղե-

Նոր Զուղայի «տասնակաւագ»-թաղապետերի մասին ակնարկութիւններ կան նաեւ երովական աղբիւրներում։ Նրանցից մէկում, օրինակ, դրուած է որ «նրանք (իմա՝ նոր-ջուղայեցիները) ունեն իրենց քալանթարը կամ քաղաքագլուխը եւ իրենց քեազխուզաները կամ թաղապետերը, որոնք իրաւունք ունեն դատելու րոլոր հասարակ վէճերը։ Աւելի կարեւոր հարցերը ենթակայ են թաղաւորի կամ պետական խորհրդի իրաւասութեան, իսկ որոշումներն ի կատար են ածոււմ քաղաքագլուխի կամ թաղապետերի կողմից»⁵²։

Համադրելով մեղ հսսած դրաւոր ու աղղագրական տուեալները, կարող ենք ստուերագծել թաղապետերի գործունէութեան հիմնական բնագաւառները։ Նրանք առաջին հերթին, հայաքաղաքի ինքնավարութեան ղեկավար մարմնի մնայուն անդամներն են եղել եւ, բնականաբար, մասնակցել են բոլոր այն ժողովներին, որոնցում քննարկուել են քաղաքի ներքին կեանքին վերաբերող կարեւոր հարցերը։ Թաղի բնակիչների միջեւ առաջացած վէճերն ու անհամաձայութիւնները հարթուել են, առաջին հերթին, «տասնակաւագների» որոշումներով⁵³։ Նրանց գլխաւոր պարտականութիւններից մէկն էլ պետական հարկերի, ինչպէս եւ տարբեր առիթներով տէրերի կողմից բոնադանծուող արտակարգ տուրքերի թաղին բաժին ընկած պահանջարկի բաշխումն է եղել թաղի բնակիչ զերդաստանների վրայ՝ ըստ նրանց նիւթական հնարաւորութիւնների։ Այդ նպատակով գումարում էին թաղային ժողովներ, որոնք յաճախ բուռն վէճերի ու հակամարտութիւնների ասպարէկ էին դառնում։ Մեծահարուստ եւ աղղեցիկ թաղականները ամէն ջանք գործադրում էին իրենց վրայ՝ դրուած հարկը զեղչելու համար⁵⁴։ Այն մասին, որ հենց «տասնակաւագներն» էին հաւաքում ու քալանթարի միջոցով պետական զանձատան մուծում հարկերը, պահպանուել են նաեւ մի քանի ստացագրեր, զրուած 1743-1745 թթ. տասնակներից մէկի (չի նշուած որ տասնակի) աւագ՝ ոմն Յովհաննէսի կողմից։ Այդ վաւերագրերով նա հաւաստում

կուրիններ իան Զաքարիա սարկաւագի իւ Զաքարիա Ագուլեցու վերայիշեալ գրուածքների մէջ (տես՝ Զաքարիա Սարկաւագի Պատմագրութիւն, Բ. հար., էջ 2: Զաքարիա Ագուլեցու Օրագրութիւն, էջ 153)։

52. Cornelis de Bruyn, *Travels into Moscovy, Persia and Part of the East Indies*, London, 1937, p. 225 (տես՝ John Garswell, նշ. աշխ., էջ 78)։

53. Այս մասին բացի Cornelis de Bruyn-ի վերը վկայակրչուած տուեալից, ուշադրութեան արժանի նիւթեր կան նաեւ հետեւեալ աշխատութեան մէջ։ Պօլու Պետրոսեան, Նոր Զուղայի Նախկին բնակիչների կեանքը, Նոր Զուղայ 1974:

54. Նոյնը, էջ 17-19։

է, որ քաղանթար Նաղարի դերգաստանից կամ նրա երեք որդիներից ստացել է պահանջուող այս կամ այն հարկը՝ «մալը» և «մութմամիչը»⁵⁵:

Գիշերները թաղերի («տասնակների») դարբասները փակւում էին և թաղտկաններից, որոշակի հերթականութեամբ, գիշերային սպահապանների խմբեր էին կազմում, որոնց պարտականութիւնն էր մինչեւ լուսաբաց շրջել թաղում և կանխել ամէն մի պատահար և գողութիւն, ենթարկուելով զեկավար կարգուած անձի հրահանդներին: Պահակային այս ծառայութիւնը շատ աւելի կարեւոր էր դառնում, եթի իրանի մայրաքաղաքը դառնում էր պատերազմական դէպ-քերի սովորէդ⁵⁶: Տասնակաւողի պարտականութիւնների մէջ էր մըսնում նաև թաղի պաշտպանութեան հետ կապուած կաղմակերպչական աշխատանքների հոկողութիւնը:

Նոր Զուղայի բոլոր թաղերն, անխտիր, իրենց ներսում ունէին լու մշակուած պարտէզներ, որի մասին տուեալներ կան սկզբնաղրիւրներում: Հասկանալի է, որ քաղաքի ինքնալիքը մարմինների կարեւոր պարտականութիւնների շարքում առաջնակարգ տեղ էին զրաւում նաև ջրամատակարարման դործի կազմակերպման և անխափան աշխատանքի աղահովման հետ առընչուով հոգսերը և այլն:

Նոր Զուղայի տնտեսական կեանքի զարկերակը շաղկապուած էր արտաքին առեւտրի հետ: Նշանաւոր խոջայական դերդաստանները, իրենց մեծաքանակ զործակատարների հետ միասին, առեւտրուր էին անում ասիական ու եւրոպական մայրաքաղաքների շատ երկրների հետ: Ուստի, նրանց համար ամենօրեայ մտահոգութեան առարկայ պէտք է լինէին իրանի մայրաքաղաքից դէպի օտար երկրներ ձգուող ցամաքային ու ծովային ճանապարհների ապահովութեան

55. Պահպանուել են այդպիսի 5 ստացագործ թրիտանական Գրադարանի Lansdowne 1047 և 1048 համարների տակ պահուող փասուարդը երի մէջ (Մատենադարանում պահուում են դրանց լուսանկարները): Մէջ ենք քերում դրանցից երկուուր. «Թիւն փոքր Աձէթ (1744)-էն քալանքար ՚Նազարէնց մութմամիշն գ. (քուման) ԲՌ դիան, որ կէս այ Ա. (քուման) ԶՌ դիան, խասալ ինձ՝ տասնայկավաք Յովիանիսիս» (թրիտ. Գրադ. թիւ 1048, էջ 29): «Թիւն փոքր Աձ.՝ (1745) քալանքար ՚Նազարէն երեք տղին սարշմարն մալն այ ԹՌ դիան, խասալ ինձ՝ տասնայկավաք Յովիանիսիս» (թրիտ. Գրադ., թիւ 1048, էջ 30):

56. «Մին նորածախ դոլվարաւորի տունն մտին Զեզուիտի վանքին կուշտն՝ լ. (30) ձիաւոր, մ-ի (10-20) հետեւակ, բրով տուին, նորածախին փորն նոնցին, մարլադ ապրանքն տարան... Զուղեցիք ամենայն զիշերն իրեանց տներն կու պահեն, բնն չեն լիներ, այսոյւ իմանաս», — գրել է Եղիան իր նամակներից մէկում (տես՝ Եղիան Կարնեցու Դիւտնը, Երևան, 1968, էջ 30):

Հետ առընչուող բարդ հարցերը, առար երկրներից Արեւելք ներթափանցող առեւտրական ընկերութիւնների նկատմամբ իրենց վերաբերմունքի ճշգրտումը եւ այլն։ Այս կարգի հարցերը եւս, հաւանաբար, լուծում էին քալանթարի զլխաւորութեամբ եւ առանակաւագների մասնակցութեամբ պարբերաբար գումարուող ժողովներում։

Ժի. դարի կէսերին Հայաստանում երկար տարիներ քարոզական գործունէութիւն ծաւալած կաթողիկէ միսիոնար Փիլոմալին իր դրութիւնների մէջ շեշտել է այն մեծ ազդեցութիւնը, որ ունեցել են ջուղայեցիները հայ եկեղեցու կեանքում եւ մշակութային գործունէութեան բնազաւաններում։ Նրանք, ըստ Փիլոմալիի, «ի վիճակի են ըստ իրենց ցանկութեան պաշտօնազրկել ունէ վարդապետի, ես սիսկոպոսի կամ, նոյնիսկ, կաթողիկոսի»⁵⁷։ Եւ իրօք, պատմական աղբիւրներում բազմաթիւ փաստեր կան, որոնք հաստատում են այս տեղեկութիւնը։ Առանց ասելու էլ հասկանալի է, որ ջուղահայ համայնքի զեկալար մարմինների վիտութեամբ ու հրահանդներով էին լուծում նաև հայ մշակոյթի ու եկեղեցու հետ առընչուող եւ համահայկան նշանակութիւն ունեցող շատ հարցեր։

Այսպիսով, Նոր Ջուղայի տասնակաւագները, իւրաքանչիւրը հանդէս գալով իր տասնակի անունից միախմբում էին քալանթարի շուրջ՝ լուծելու համար քաղաքի առջեւ ծառացող բոլոր կարեւոր խնդիրները։

Ըստ Հ. Տէր-Յովհանեսցի ձեռքի տակ եղած շատ կարեւոր փաստաթղթերի, որոնք այսօր էլ պահպան են Ջուղայի Ամենափրկիչ վանքի դարաններում, Նոր Ջուղան բազկացած է եղել քսան տասնակներից։ Նրանք ունեցել են իրենց անունները, կատուած տասնակաւագների անուանց հետ, որոնք, սակայն, փոփոխուել են, երբ որեւէ տասնակի զեկալարութիւնը այս կամ այն խոջայական վերդաստանի ներկայացուցիչը անցել է մէկ ուրիշ ձեռքը։

1735 թ.-ին Նոր Ջուղայի ինքնավար մարմինները պահանջել են բոլոր տասնակների բնակչութիւնից համապատասխան խոստումնադիր ներկայացնել այն մասին, որ իրենք թոյլ չեն տալու իրենց թաղում օթեւանելու ուրիշ վայրերից ժամանող անձանց՝ վարդապետների, քահանաների, ասնաֆքարների, դուքանդարների եւ այլն։ Մէջ բերելով տասնակներից մէկի (թաղվարէնց տասնակի) ներկայացրած խոստումնազրի բնակիրը եւ ուսումնասիրելով միւս տասնակների նոյնատիպ խոստումնազրերը, Հ. Տէր-Յովհանեսցը կազմել է 1735 թ.-ի տասնակների ցանկն ըստ այն անունների, որոնք գործածութեան

57. Կարապետ եպս Ամասունի, Ասկան Վարդապետ երեւանցի եւ իւր ժամանակը, Վենետիկի, 1975, էջ 119։

մէջ են եղել այդ ժամանակ : Ստորեւ բերում ենք այդ ցանկը, իւրաքանչիւրի առջեւ գնելով հերթական համարանիշ :

(1) Դիլաքէնց, (2) Մեծ Խօջէնց, (3) Ֆիրմէնց, (4) Գիլանց, (5) Բաղրամէնց, (6) Աւագէնց, (7) Միրմանէնց, (8) Զէքէնց, (9) Իսրայէլէնց, (10) Թանոսէնց, (11) Թօփէնց, (12) Զախաթունէնց, (13) Ղօշտաքէնց, (14) Թաշվալէնց, (15) Ազիջանէնց, (16) Տէր Անանէնց, (17) Մուշեղէնց, (18) Ղարաջանէնց, (19) Աւագ-Եղանէնց, (20) Դաւթէնց⁵⁸:

Բայց սրանից, նոյն աշխատութեան մէջ, հրատարակուած է նաև մէկ ուրիշ ցանկ, որով ամփոփուած են 1770-ական թուականներին Նոր Զուղայի առաջնորդ՝ Մկրտիչ Էպիսկոպոսի անցկացրած մարդահամարի տուեալները : Այսուել արուած են Նոր Զուղայի արուարձանների եւ տասնակների անունները՝ կից թուանշաններով, սրոնք ցոյց են տալիս, թէ տուեալ թաղում կամ տասնակում այդ ժամանակ բնակուելիս են եղել այսքան (ըստ բերուած թուանշանի) արտկան բնակիչ . «Թէ քահանայ եւ թէ աշխարհական», — ինչպէս պրուած է առաջին տողում⁵⁹ :

(1) Երեւան (տասնակ)	—	199
(2) Գառկն	—	6
(3) Թարվեղեցիք եւ Դաշտէ	—	136
(4) Թօփէնց	—	5
(5) Մուշեղէնց	—	29
(6) Տէր Անանէնց	—	24
(7) Զախաթունէնց	—	34
(8) Խօջայ Նաղարէնց	—	70
(9) Աւագ Դանէնց	—	59
(10) Ազիջանէնց	—	49
(11) Իսրայէլէնց	—	73
(12) Միրմանէնց	—	45
(13) Գիլանէնց	—	28
(14) Դիլաքէնց	—	58
(15) Զէքէնց	—	50
(16) Թօչերն եւ Դավիթարազ	—	75
(17) Բարայ Փանոսէնց	—	44

58. Հ. Տէր-Յովհաննեանց, Նշ. աշխ., Ա. Խոր., էջ 40-42:

59. Պէտք չէ անտեսել եւ այն հնարաւորութիւնը, որ այդ բուանշաններով ցոյց է տրում ոչ թէ արական բնակչութեան, այլ տուեալ քաղում գոյութիւն ունեցող ընտանիքների կամ տների հանակը :

(18) Թաղվարէնց	—	34
(19) Բազրամէնց	—	65
(20) Դարադանէնց	—	103
(21) Խիրմանէնց	—	80
(22) Դոչղարէնց	—	70
(23) Թօփէնց	—	46
(24) Զարսուն	—	135 :

Ընդումէնը 1517 տղամբրդ կամ տանուտէր : Տասնակների թիւը որոշելու համար այս ցանկից դուրս ենք հանելու 1, 2, 3 և 16 համարանիշերը, որոնք նոր Զուղայի մէջ չէին մտնում, այլ ինչպէս նշուել է, առանձին բնակավայրեր էին համարւում՝ ունենալով գիւղական համայնքի իրենց վարչութիւնները : Ցանկից հանելով այդ միաւորները, զարձեալ սուսաւում է նոյն քառն թաղ-տասնակների թուարկումը : Տասնակների 20 տնուններից 16-ը, 1735 թ.ի ցանկի հետ ձշորէն համընկնում են⁶⁰:

Այսպէս, նոյնական են առաջին եւ երկրորդ ցանկերի հետեւեալ համարանիշ միաւորները .

3-21; 4-13; 5-19; 6-9; 7-12; 8-15; 9-11; 10-17; 11-4 (կամ էլ 23); 12-7; 13-22; 14-18; 15-10; 16-6; 17-5 եւ 18-20:

Նոր Զուղայի թաղ-տասնակների քանակն որոշելուց եւ 1735 թ. եւ 1770-ական թթ. անունների հետ ծանօթանալուց յետոյ, կրկին անգրագառնալով 1671 թ.ի ոռուական իշխանութիւններին նոր Զուղայի համայնքի մեծամեծերի կողմից ներկայացրած փաստաթղթի սուրակարսութիւններին, դուար չէ այլեւս յանդել այն եղբակացութեան, որ նոր Զուղայի քալանթարից եւ ուստարաշուց բացի այս փաստաթուղթն իրենց սուրակարութիւններով ու կնիքներով հաստատող անձինք հենց նոր Զուղայի թաղապետերը կամ տասնակաւաղներն են եղել :

1671 թ.ից մինչեւ 1735 թ. անցել էին վաթսուն չորս երկար ու ձիգ տարիներ, որոնց ընթացքում շատ փոփոխութիւններ էին տեղի ունեցել նոր Զուղայի տնտեսական կեանքում : Աֆղանների աւերիչ

60. 1735 թ.ի ցանկում մի շարք անուններ քերուած են «Եանց» վարչաւորութեամբ, բոլորը դարձել են միօրինակ՝ «Ենց» նոր Զուղայի բարբառին համապատասխան ու հարազատ (օրինակ, Միքմանեանց-Միքմանէնց) : Զորս դէպֆերում կան փոքր տարբերութիւններ, որոնք են բացարուել ինչպէս գրչազրական վրիպումով, այնիս էլ տարիների ընթացքում կրած ձեւափոխութեամբ : Դրանք են Աւագեանց-Աւագդանէնց (6-9), Փանոսեանց-Բաբայ Փանոսէնց, Աղիջանեանց-Ազիջանէնց, Դարաջանեանց-Դարադանէնց :

արշաւանքների եւ գաժան տիրապետութեան տարիներին, մեծահարուստ չառ լնտանիքներ էին լքել երենց հայրենի քաղաքը եւ բնակութիւն հաստատել Հնդկաստանի, Իրաքի, Ռուսաստանի եւ Եւրոպայի նշանաւոր կեղրոններում։ Դրանց մէջ մեծ հաւանականութեամբ եղել են նաեւ տասնակաւագի պաշտօն զրաւած անձինք։ Նախորդների փոխարէն հրապարակ էին իշել, դիրք զրաւել ու միջոցներ կուտակել ուրիշ գերզատաններ, համապատասխանաբար իրենց համար տեղ ապահովելով քաղաքի ինքնավարութեան մարմիններում։ Զնայած այս վորոխութիւններին, 1671 եւ 1735 թթ. ցանկերի համեմատութիւնը երեւան է բերում անունների որոշակի ընդհանրութիւններ։

Այսպէս, 1671 թ.ի փաստաթուղթը ստորագրողներից երբորդը Ազգակիրի Զախաթունենցն է եւ նոր Զուղայի տասնակներից մէկը Զախաթունէնց տասնակ է կոչուել նաեւ հետագայում՝ Ժ. գարի ընթացքում, վկայակոչուած լինելով եւ վերոյիշեալ Ա. ցանկի (12-րդ տող) և Բ. ցանկի (7-րդ տող) մէջ։ Մարզար Շահրիմանէնցը ստորագրողներից չորրորդն է։ Այդ նշանաւոր գերզատանի գլխաւոր ճիւղի ներկայացուցիչները Ժ. գարի 30-ական թթ. արդէն դանուում էին նոր Զուղայից զուրս, սակայն հայրենի քաղաքում բնակւում էին նոյն գերզատանի ճիւղերից մէկի անդամները՝ Բաղրամէնց ազգանունով։ Բաղրամէնց տասնակը յիշատակուած է Ա. (5-րդ տող) եւ Բ. (19-րդ տող) ցանկերում։ Փաստաթղթի ստորագրողներից մէկի՝ Սաֆար Թոփչէնցի անունով է կոչուել նոյն տասնակը եւ հետագայում։ 1671 թ.ին տասնակաւագներ են եղել Գերաքենց գերզատանից սերուած երկու խոչաններ՝ Զաքարին ու Աւետիքը։ Յայտնի է, որ այդ գերզատանի մի ճիւղը կոչուել է Միրմանէան։ Միրմանէնց անունով տասնակի հանդիպում ենք նաեւ Ժ. գարի վերոյիշեալ ցանկերում (Ա-7 եւ Բ-12)։ Մինաս Ֆանոսէնցի կամ նրա հօր՝ Ֆանոսի, անունով տասնակը, նոյնուկու, այդ անունով դոյցատեւել է յաջորդ գարում (Ա-10 եւ Բ-17)։ Այդտեղ, հաւանաբար, բնակուել են եւ տասնակաւագի պաշտօն են գրաւել Խոջա Մինասի շառաւիղները, որոնց մի ճիւղը հետագայում մեծ դեր է կատարել նոր Զուղայում, ճանաչուած լինելով Խոջա-Մինասէնց, նաեւ կմնիազէնց անուններով։

Այսպիսով, պարզ է դառնում, որ նոր Զուղայի համայնքի անունից սուսական պետական մարմինների հետ բանակցութիւններ վարելու ուղարկուած Գրիգոր Լուսիկովի (Լուսիկէնցի) լիազօրութիւնները հաստատել են քալանթարի եւ ուստարաշու հետ միասին ոչ թէ ինչոր (գոյութիւն չունեցող) առեւտրական կոմպանիայի զեկավար անձինք կամ էլ մէծահարուստ վաճառականներ, այլ հայաքաղա-

Քեզ 20 թաղամասերի կամ տասնակների այդ օլերի աւագները⁶¹:

Յանդելով այս կարեւոր հետեւոթեանը, անհրաժեշտ է մէկ անգամ եւս շեշտել այն հանգամանքը, որ հայ-ռուսական տնտեսական, հետազայտմ նաև մշակութային ու քաղաքական կապերի սերտացման համար մէծ նշանակութիւն ունեցող 1667թ.ի պայմանագրի ըստ հետազայի բոլոր համաձայնադրերը (որոնցմով ճշգրտում էին այդ նշանաւոր փաստաթղթի տարրեր կէտերը) կեանքի էին կոչում Նոր Զուղայի հայկական համայնքի ինքնավար մարմինների զեկավարների՝ քաղանթարի, ուստարաշու եւ տասնակաւազների նախաձեռնութեամբ։ Եւ այս եղբակացութեամբ մէրժուում է Նոր Զուղայի հայկական առեւտրական ընկերութեան մասին շրջան առած եւ ճանաչում զատծ այն տեսակէտը, որի համաձայն Ժ. Պարի 60-ական թուականներին Նոր Զուղայում զոյտութիւն է ունեցել եւրոպական երկրների արեւելա-Հնդկական կոմպանիաների օրինակով ստեղծուած առեւտրական մի հզօր կադմակերպութիւն, որն իրաւունք է ունեցել իր անունից սպայմանագրեր կնքելու տարրեր երկրների պետական մարմինների հետ եւ այլն։ Նոր Զուղայի հայկական համայնքի ինքնավար մարմինների զեկավարները՝ քաղանթարը, ուստարաշին ու թաղապետներն էին, որ համայնքի անունից յարաբերութիւնների մէջ էին մտնում եւ իրանի պետական առաջնորդների, եւ այլ երկրների պետական մարմինների հետ, ստանձնում որոշ պարտաւորութիւններ, համաձայնութիւններ կայացնում, պայմանագրեր ստորագրում եւ այլն։

61. Ստորագրողները, սակայն, 20 ամճինք չեն, այլ՝ 21: Այդ մէկի տարբերութիւնը, ըստ երեսոյրին, պէտք է բացատրել այն իրողութեամբ, որ բացի Նոր Զուղայի քաղամասերի աւագներից, փաստարդքի տակ իր ստորագրութիւնն է դրել նաև Նոր Զուղային կից կառուցուած հայաբնակ արուարձաններից մէկի, ամենայն հաւանականութեամբ, ամենախոշոր արուարձանի՝ Նոր Երեւանի, տանուտերը:

THE ARMENO-RUSSIAN TRADE AGREEMENT OF 1667 AND THE AUTONOMOUS BODIES OF NEW JULFA

SHOUSHANIG KHATCHIGUAN

(Summary)

It has been accepted by historians that the Armeno-Russian trade agreement of 1667 was signed by the representatives of the Russian government on one side, and the Armenian Trade Company of New Julfa (Persia) on the other.

After carefully studying the available primary sources concerning the business and trade activities of the Armenian community of New Julfa and its administrative bodies, the author has concluded that there has never been an Armenian Trade Company in New Julfa in the European sense of it. R. Romotamsky and K. Loussigov, who signed the 1667 agreement, were the authorized representatives of the autonomous board of New Julfa.

The ruling board of the autonomous city of New Julfa were represented by the twenty governors of the city's twenty independent quarters, by the head of the trade unions and by the *kalantar* (the board leader, who was elected by the community and approved by the Shah). All members of the ruling board came from the very rich merchant families, known as *khojas*.

In the article also is discussed the rights, obligations and activities of the ruling board of the autonomous city of New Julfa.